



# KENYATAAN PELAWAAN PENILAIAN JUDUL BAHAN BACAAN TAMBAHAN 2025

1. Tawaran adalah dipelawa **kepada penerbit/pembekal tunggal (*sole distributor*)** tempatan yang berwibawa dan berkeupayaan serta berdaftar dengan Kementerian Kewangan Malaysia di bawah kod bidang 010102 (Bahan Bacaan) yang masih berkuatkuasa sekurang-kurangnya tiga (3) bulan dari tarikh tutup tawaran.
2. Bahan bacaan meliputi bahan-bahan bercetak sama ada fiksiyen dan bukan fiksiyen dalam Bahasa Melayu atau Bahasa Inggeris sahaja. Bahan-bahan yang mengandungi elemen-elemen yang menyokong kemahiran mentafsir, penyelesaian masalah dan kemahiran berfikir aras tinggi adalah digalakkan.
3. Keutamaan akan diberikan kepada bahan-bahan bacaan seperti berikut:
  - a. Bahan bacaan bagi kategori prasekolah, sekolah rendah dan sekolah menengah.
  - b. Bahan bacaan yang dapat meningkatkan profisiensi Bahasa Melayu dan Bahasa Inggeris.
  - c. Bahan bacaan yang dapat menarik minat membaca dalam kalangan murid.
  - d. Bahan bacaan berkaitan *Science, Technology, Engineering and Mathematics* (STEM).
  - e. Bahan bacaan berkaitan *Technical and Vocational Education and Training* (TVET).
4. **Buku teks, buku lembaran kerja, buku ulang kaji, bimbingan peperiksaan dan seumpamanya TIDAK TERMASUK DALAM PROGRAM INI.**
5. Kehadiran dan penyertaan pihak penerbit/ pembekal tunggal (*sole distributor*) yang berminat semasa taklimat adalah **WAJIB** dan taklimat tersebut akan diadakan pada ketetapan berikut:

Tarikh : 4 Disember 2024 (Rabu)

Masa : 10.00 pagi

Tempat : Pusat Sumber, Bahagian Sumber dan Teknologi Pendidikan,  
Persiaran Bukit Kiara, 50604 Kuala Lumpur

Pautan Lokasi: <https://maps.app.goo.gl/nC5WXektX14VQXNC6>



# SYARAT PENYERTAAN

**Semua penerbit/pembekal tunggal (*sole distributor*)** yang berminat untuk menyertai tawaran ini mesti mematuhi syarat-syarat yang ditetapkan. Kegagalan mematuhi mana-mana syarat yang berikut boleh menyebabkan bahan bacaan yang dikemukakan tidak dinilai.

1. Berdaftar dengan Kementerian Kewangan Malaysia di bawah kod bidang 010102 (Bahan Bacaan) dan mengemukakan sesalinan Sijil Pendaftaran Kementerian Kewangan Malaysia dan Sijil Pendaftaran Syarikat/Perniagaan.
2. Bahan bacaan yang diterima untuk penilaian adalah bahan yang diterbitkan dalam negara atau luar negara bermula dari **tahun 2023 atau 2024 yang telah berada di pasaran tempatan. Bahan yang telah dihantar untuk penilaian sebelum ini adalah tidak dibenarkan untuk penghantaran semula.**
3. **Syarikat pembekal tunggal (*sole distributor*) hendaklah mengemukakan surat kebenaran daripada penerbit asal agar bahan bacaan tersebut dapat dinilai.**
4. Syarikat penerbit/pembekal tunggal (*sole distributor*) hendaklah mengemukakan **dua (2)** naskhah bagi setiap judul bahan bacaan untuk dinilai.
5. Penghantaran bahan bacaan oleh setiap penerbit/pembekal tunggal (*sole distributor*) adalah tidak terhad. Bahan bacaan boleh terdiri daripada **bahan bukan bersiri atau bersiri atau gabungan kedua-duanya.**
6. Syarikat penerbit/pembekal tunggal (*sole distributor*) hendaklah menyerahkan semua bahan bacaan mengikut tarikh dan tempat yang ditetapkan seperti yang berikut:  
**16 hingga 31 Disember 2024, Isnin hingga Khamis, jam 9.00 pagi - 3.00 petang dan Jumaat, jam 9.00 pagi-11.00 pagi di Pusat Sumber, Bahagian Sumber dan Teknologi Pendidikan, Persiaran Bukit Kiara, 50604 Kuala Lumpur.**
7. Semua bahan bacaan perlu diasingkan mengikut tahap sekolah rendah dan sekolah menengah serta Bahasa Melayu dan Bahasa Inggeris. Bahan bacaan tersebut perlulah diikat dan dimasukkan ke dalam kotak dan dialamatkan kepada **Pengarah, Bahagian Sumber dan Teknologi Pendidikan, Kementerian Pendidikan Malaysia, Persiaran Bukit Kiara, 50604 Kuala Lumpur.**
8. **Bahan bacaan yang diserahkan akan menjadi hak milik Kementerian Pendidikan Malaysia dan tidak akan dikembalikan.**
9. Kementerian Pendidikan Malaysia tidak terikat dengan perolehan dan pembekalan ke atas bahan bacaan mana-mana pihak penerbit/pembekal tunggal (*sole distributor*) walaupun telah dinilai dan diperakukan sebagai bacaan yang telah lulus penilaian.

10. Kadar caj penilaian yang dikenakan adalah seperti yang berikut :

<b>Bil</b>	<b>Harga bahan bacaan</b>	<b>Caj penilaian</b>
1	Tidak melebihi RM20.00	RM50.00
2	Melebihi RM20.00 – RM40.00	RM70.00
3	Melebihi RM40.00 – RM60.00	RM90.00
4	Melebihi RM60.00 – RM80.00	RM110.00
5	Melebihi RM80.00 – RM100.00	RM130.00
6	Melebihi RM100.00	RM150.00

11. Semua Pembayaran hendaklah dibuat dalam bentuk **Bank Draf sahaja atas nama Ketua Akauntan, Kementerian Pendidikan Malaysia di Kaunter Pembayaran, Unit Kewangan dan Akaun, Bahagian Sumber dan Teknologi Pendidikan, Persiaran Bukit Kiara, 50604 Kuala Lumpur**. Masa pembayaran ialah pada **jam 9.00 pagi - 12.00 tengah hari, Isnin hingga Jumaat**.